

**PREDMET: PONUDA ZA SPORTSKI DAN/IZLET/ČAS U PRIRODI NA KOMPLEKSU SLANIH PANONSKIH JEZERA U TUZLI**

Poštovani,

održavanje sportskog dana, izleta ili nastave na otvorenom prostoru i čistom zraku u prelijepom ambijentu Panonskih jezera i Slane Banje velike su prednosti za psihofizički razvoj djece u odnosu na zatvorene i zagušljive prostore sportskih dvorana i učionica, te se nadamo se da će Vam to biti jedan od razloga da iskoristite prednosti naše ponude. U našoj ponudi Vas očekuje sljedeće:

**Ugostiteljstvo:**

- restoran "Panonski Lovac" na trećem Panonskom jezeru sa bogatom gastro ponudom i prelijepim enterijerom i ljetna bašta „Slapovi“ na prvom jezeru Panonike

**Sportsko-rekreativni tereni u krugu kompleksa**, nudimo organizaciju sportskog dana uz korištenje poligona sa rekvizitima i sportskih terena- 2,00 KM/osobi:

- plato sa prostorom za nogomet, stolni tenis i badmington,
- otvoreni fitness centar sa 10 profesionalnih sprava,
- kros staze oko jezera pogodne za trčanje/jogging/kros,
- asfaltirane površine, pogodne za vožnju bicikla, rolanje, itd.
- teren za odbojku na pijesku
- dječiji zabavni park (uz doplatu).

**Kultura-istorija:**

- Muzej "Geološka postavka Pannonica", sa mogućnošću gledanja filma.

***Cjenovnik grupne ponude minimalno 20 osoba (van ljetne sezone kupanja SEPTEMBAR-MAJ):***

<b>BROJ PONUDE</b>	<b>SADRŽAJ PONUDE</b>	<b>CIJENA</b>
<b>1.</b>	Mala porcija ćevapa+ sok 0,2 dcl + obilazak Arheološkog Parka i Geološke postavke.	<b>10 KM</b>
<b>2.</b>	Hamburger + pomfrit + sok 0,2 dcl + obilazak Arheološkog Parka i Geološke postavke.	<b>10 KM</b>
<b>3.</b>	Pileći file + pomfrit + sok 0,2 dcl + obilazak Arheološkog Parka i Geološke postavke.	<b>10 KM</b>
<b>4.</b>	Obilazak Arheološkog Parka i Geološke postavke	<b>2 KM</b>
<b>5.</b>	Obilazak Arheološkog Parka i Geološke postavke za pojedinačne posjete i grupe ispod 20 osoba	<b>3 KM</b>

***Ukoliko želite varijantu ponude 1, 2 ili 3 molimo vas da nas o tome obavijestite najkasnije 2 dana ranije, dok za ponudu 4 izvršite dan ranije potvrdu vašeg dolaska!***

***BILO KOJU USLUGU DA ODABERETE STOJIMO VAM NA USLUZI OKO DETALJNIJIH DOGOVORA.***

**Dječiji zabavni park "Slana Banja"** se nalazi uz samo Panonsko jezero i pruža zabavu za djecu od 3 do 14 godina. **Ulazak u dječiji zabavni park se naplaćuje po cijeni od 1,50 KM/djetetu, roditelji/staratelj/nastavnik ne plaća.**

U ovom neobičnom zabavištu, koje ima oko kilometar asfaltnih staza, instalirane su razne sprave za zabavu - tobogani, ljuljaške, klackalice, trampoline, kućice za igru i "gusarski brod", te niz drugih sprava za igru. Iz sigurnosnih razloga, oko sprava su podloge od tartan gume i piljevine za ublažavanje eventualnih padova, ali i klupe za odmor roditelja/nastavnika.

U sklopu Panonskog jezera su **Arheološki park- "Sojeničko-Neolitsko naselje"** i muzej **"Geološka postavka Pannonica"** koji oslikavaju historijski period grada Tuzle prije 5 hiljada godina i spektakularnu geološku prošlost tuzlanskog područja. Sojeničko naselje i Geološka postavka Pannonica predstavljaju kulturno-historijsko nasljeđe grada Tuzle, te kao takvo može izvrsno poslužiti u obrazovno-edukativne svrhe. Geološka postavka na multimedijalni način (gledanje filma od 20 minuta) predstavlja spektakularnu geološku prošlost tuzlanskog kraja kroz pronađene fosilne ostatke morskih školjki i postavku raznih minerala i stijena.

Na jezeru postoji nekoliko sanitarnih čvorova koji se redovno održavaju uz svakodnevnu **hemijsko-higijensku kontrolu**.

Samo jezero je ograđeno i odvojeno od saobraćajnica tako da možete imati **potpunu kontrolu** nad vašim učenicima

U samom gradu Tuzla su i muzejsko-turistički kompleks Soni trg, Trg Slobode, Tuzlanska kapija, stare gradske džamije kao što su Šarena ili Atik, Turali-begova džamija u čijem se sklopu nalazi turbe, Čaršijska sa gradskom česmom, Džindička džamija...itd, zatim obilazak Srpske pravoslavne crkve i Vladikinog dvora, Franjevačkog samostana i župe sv. Petra i Pavla, Muzeja sjeveroistočne Bosne. Veoma interesantan je i obilazak gradskog korzoa/šetališta, biološke zbirke, spomenika slikaru Ismetu Mujezinoviću i piscu Meši Selimoviću, poznatog tuzlanskog "mosta s kipovima", spomenika "Suza" jevrejima deportovanim u njemačke logore, itd... Obilazak navedenih turističkih lokacija se realizuje u saradnji i dogovoru sa turističkim vodičima u gradu ili u sopstvenom aranžmanu šetnjom gradom Tuzla s obzirom na to da se sve spomenute lokacije nalaze u centru grada.

Na našoj web stranici [www.panonika.ba](http://www.panonika.ba) i Facebook stranici "[Panonika Tuzla BiH](https://www.facebook.com/PanonikaTuzlaBiH)", možete pogledati naše reference.

Više o Arheološkom parku - "Sojeničko-Neolitsko naselje" možete pogledati na web stranici: <https://panonikasojenice.ba/>.

Više o muzeju "Geološka postavka Pannonica" možete pogledati na web stranici: <https://panonika.ba/muzej-geoloska-postavka-pannonica/>.

**Nadamo se Vašem dolasku te vam želimo prijatnu dobrodošlicu, ugodan boravak i dobar provod na Panonskim jezerima i u gradu Tuzla.**



S poštovanjem !



*- direktor -*  
**Majid Porobić**